



*Minggu, 27 Juni 2021*

**Ogen: Perbahanen 17:27-28**



**Dibata E Labo Ndauh**



Teptep agama nuriken kerna Dibata alu cara ras penandaina. Janah kalak si tek man Dibata si isembahna e nembahsa rikut ras penandaina e. Amin megati la ka sitik kalak sierkiniteken e terjeng eragama saja tapi labo payo penandandaina kerna Dibata siisembahna e. Emaka melukah kal ia bingung dikune isungkun ntah ituriken kalak kerna sideban.

Bagenda me Paulus i tengah-tengah kalak Aten, ia ercakup ras kalak sideban, dengen iakap kalak ia desken tukang koyok. Tapi situhuna ipeangkakenna kerna kiniteken ras dibata siisembah kalak Aten, kerna ketutusenna ersembah bagepe kerina sembah-semбахenna. Kenca e ikatakenna maka dibata e la itandai sabab lit Dibata si labo ndauh i bas manusia nari, emaka iturikenna kerna Jesus Kristus. Dibata si enggo njadikan doni ras isina, simereken kegeluhen. Dibata si hadir i bas kerina kecibal geluh manusia. Bageme Paulus mbandingkan kai siibahan kalak Aten ras kai kerna Jesus Dibata si nggeluh.

Kuga penandaita kerna Dibatata? Sieteh nge maka Dibata e labo ndauh i bas kita nari. Bagi nina judul lagu 'hanya sejauh doa.' Bage me Dibata si isembah kita e i bas kita nari. Nyata i bas kiniteken, nggeluh, labo terjeng patung ntah ingan sembah-semбахen saja. Kalak si tek arus nggejabken ras ngenanami keleng ate Dibata si nggeluh e, Dibata simereken kegeluhen man banta, si njamin geluhta i bas kerina paksa.

Paulus ibas suratna e ngerana gelah ula terjeng sitandai Tuhan Jesus e arah pemeteh maka IA rembak ras kita. Tapi gelah min pusuhta rurat i bas keleng ateNa. E nuduhkenca lit hubungenta si mehuli ras Tuhan Jesus e teptep wari. Ula kal tanggung kerna penandaita ras kinitekenta, ula ikut-ikuten saja. Paguhlah palasna maka la kita ijolah joleken erbage pengajaren i bas doni enda.



Blank writing area with a wavy top edge.